


YANGI O'ZBEKISTON


Ijtimoiy-siyosiy gazeta

№ 92 (1153), 2024-yil 14-may, seshanba



XITOV BILAN HAMKORLIK JADAL RIVOJLANIB BORAYOTGANI MAMNUNIYAT BILAN QAYD ETILDI

O'zbekiston Respublikasi Prezidenti Shavkat Mirziyoyev 13-may kuni Hamkorlik bo'yicha O'zbekiston — Xitoy hukumatlararo qo'mitasining navbatdagi yig'ilishida ishtirok etish uchun mamlakatimizda bo'lib turgan Xitoy Xalq Respublikasi Davlat kengashi Bosh vaziri o'rinbosari Lyu Gochjun boshchiligidagi delegatsiyani qabul qildi.



Xitoy delegatsiyasi rahbari O'zbekiston yetakchisiga XXR Raisi Si Szinpin va Davlat kengashi Bosh vaziri Li Syanning samimiy salomi va eng ezgu tilaklarini yetkazdi.

Ko'p qirrali hamkorlikni yanada rivojlantirish va barcha sharoitlarda strategik sheriklik munosabatlarini chuqurlashtirishning dolzarb masalalari ko'rib chiqildi. Joriy yil yanvar oyida Xitoyga amalga oshirilgan oliy darajadagi tashrif yakunida erishilgan kelishuvlar ijrosining borishi tahlil qilindi.

Qo'mita faoliyati samarali natijalar berayotgani, tovar ayirboshlash va jalb etilayotgan investitsiyalar hajmi barqaror oshayotgani, muntazam aviaqatnovlar soni ko'payib borayotgani, madaniy tadbirlar faol o'tkazilayotgani mamnuniyat bilan qayd etildi.

Savdo ko'rsatkichlarida muvozanatni ta'minlash va mamlakatimiz mahsulotlarining Xitoy bozoriga kirishi uchun qulay sharoitlar yaratish, iqtisodiyotning strategik tarmoqlarida muhim investitsiya loyihalarini jadallashtirish, hududlar kooperatsiyasini kengaytirish, gumanitar, ta'lim va turizm dasturlarini amalga oshirish masalalariga alohida e'tibor qaratildi.

Bundan tashqari, "Xitoy — Qirg'iziston — O'zbekiston" temir yo'lini qurish loyihasi bo'yicha ishlarning amaliy bosqichini tez fursatda boshlash bilan bog'liq jihatlar muhokama qilindi.

O'ZA

O'zbekiston Respublikasi Prezidenti Matbuot xizmati surati.

GEOLOGIYANING MUHIM YO'NALISHIDA OLIB BORILAYOTGAN ISHLAR KO'RIB CHIQUILDI

Prezident Shavkat Mirziyoyev 13-may kuni ko'mir qazib chiqarishni oshirish rejalari taqdimoti bilan tanishdi.

Aholi va iqtisodiyotning o'sib borayotgan ehtiyojini ta'minlash uchun energetikaning barcha yo'nalishlari rivojlantirilmoqda. Jumladan, muayyan tarmoqlarda ko'mirdan foydalanish qo'lgeladi. Hisob-kitoblarga ko'ra, yurtimizdagi ko'mir zaxiralari qariyb 2 milliard tonnaning tarkibini tashkil etadi.

Bu imkoniyat ishga solinib, ko'mir qazib olish hajmi izchil oshirib kelinmoqda. Xususan, 2016-yilda bu ko'rsatkich yiliga 4 million tonnadana kam bo'lgan bo'lsa, 2023-yilda 6 million 550 ming tonnaga yetdi.

Davlatimiz rahbari konlarga investorlarni jalb qilib, yangi loyihalarni amalga oshirish zarurligini aytgan edi. O'tgan yili bu borada sezilarli siljish bo'lib, tadbirkorlar tomonidan 369 ming tonna ko'mir qazib chiqarildi.

Taqdimotda sohada rejalar haqida ham axborot berildi. Qayd etilganidek, bu yil ko'mir qazib

chiqarish 8 million tonnaga yetkaziladi. Shundan 900 ming tonnasini tadbirkorlar tomonidan olinadi. "Sharg'unko'mir" aksiyadorlik jamiyatida yiliga 500 ming tonna ko'mirni boyitish uskunasi ishga tushiriladi.

Surxondaryo, Qashqadaryo va Toshkent viloyatlaridagi to'rtta maydonda geologiya ishlari olib borilmoqda va kelgusi yilda qazib chiqarishga yo'naltiriladi.

Shu bilan birga, ilg'or xorijiy tajribani qo'llagan holda ko'mir qatlamlarini baholash va burg'ilash ishlari davom ettirilmoqda. Bularning natijasida 2025-yilda ko'mir qazib chiqarish hajmini 10 million tonnaga yetkazish rejalashtirilgan.

Mutasaddilarga sohada xalqaro standartlarni joriy etib, ko'mir sifatini oshirish, investitsiya loyihalarini jadallashtirish bo'yicha ko'rsatmalar berildi.

O'ZA

OSIYO XOTIN-QIZLARI FORUMI ISHTIROKCHILARIGA

Hurmatli Forum qatnashchilari! Xonimlar va janoblari!

Avvalambor, siz azizlarni — dunyoning oliy va yaqin mintaqalaridan tashrif buyurgan muhtaram mehmonlarimizni Osiyo xotin-qizlari forumining ochilishi munosabati bilan chin qalbidan samimiy muborakbod etaman.

Sizlarni qadimiy va navqiron Samarqand shahrida qizg'in qutlash hamda o'zimizning yuksak hurmat-ehtiroimim va ezgu tilaklarimni yo'llashdan g'oyat baxtiyorman.

Ushbu tashabbusimni faol qo'llab-quvvatlagan Birlashgan Millatlar Tashkiloti Bosh Kotibi janob Antoniu Guterrishga, anjumanni birgalikda tashkil etib, unda bevosita ishtirok etayotgan BMT Bosh kotibi o'rinbosari, "BMT-ayollar" tuzilmasi ijrochi direktori Sima Sami Baxus xonim, BMTning Jenevadagi bo'linmasi rahbari Tatyana Valovaya va Parlamentlararo itifoq Bosh kotibi Martin Chungong janoblari-ga o'zimgin chuqur minnatdorligimni izhor etaman.

Bugungi Forumda xalqaro tashkilotlar va Osiyo mamlakatlari parlamentlari rahbarlari, senator va deputatlar, hukumatlar a'zolari, shuningdek, fuqarolik jamiyati institutlari, ko'plab ishbilarmon va olimlarga ayollar qatnashayotganini katta mamnuniyat bilan ta'kidlashni istardim.

Sizlarning sa'y-harakatingiz bilan yurtimizda ilk bor o'tkazilayotgan xalqaro anjuman xotin-qizlarning ijtimoiy-siyosiy, iqtisodiy, madaniy-gumanitar sohalardagi

faolligini yanada oshirish, o'zaro tajriba almashish va do'stona hamkorlik aloqalarini mustahkamlashga munosib hissa qo'shadi, deb ishonaman.

Hurmatli tadbir ishtirokchilari!

Bugungi kunda dunyoda jadal rivojlanib borayotgan Osiyo qit'asining barcha mamlakatlari va xalqlari asrlar davomida yagona keng makonda uyg'un va hamjihatlikda rivojlanib, turli sohalarda yaqin hamkorlik aloqalarini olib borganlar.

Buyuk Ipak Yo'lining savdo chorrahasida joylashgan Markaziy Osiyo mintaqasi ming yillar mobaynida turli madaniyatlar va sivilizatsiyalar taraqqiyoti uchun qudratli kuch bag'ishlagan, yuksak umumshahariy qadriyatlarining ulkan ma'naviy beshigi bo'lgan.

So'nggi yillarda Yangi O'zbekiston Osiyo qit'asining ham barcha mamlakatlari bilan uzoq muddatli, keng qamrovli va o'zaro manfaatli aloqalarni izchil chuqurlashtirib borishga ustuvor ahamiyat qaratayotgani bejiz emas, albatta.

Sayyoramiz aholisining yarmidan ko'pi istiqomat qilayotgan Osiyo mamlakatlari Barqaror rivojlanish maqsadlariga to'liq erishish, gender tenglikni ta'minlash, xotin-qizlarning haq-huquqlarini himoya qilish, ularning davlat va jamiyat boshqaruvidagi roli va ta'sirini keskin oshirish borasida salmoqli yutuqlarni qo'lga kiritmoqda.

Bizning mamlakatimizda ham ayollar jamiyatimizning ajralmas bo'g'ini bo'lib, ularning huquq va manfaatlarini to'liq ta'minlash, onalik va bolalikni muhofaza

qilish masalalari yangi qabul qilingan Konstitutsiyamiz, "O'zbekiston — 2030" strategiyasi va O'zbekiston Respublikasida gender tenglikka erishish strategiyasi kabi konseptual hujjatlarda o'zining to'liq ifodasini topgan.

So'nggi yetti yilda O'zbekistonda xotin-qizlarning davlat boshqaruvidagi ulushi 27 foizdan 35 foizga ko'tarildi. Oliy Majlis Qonunchilik palatasi deputatlarining 32 foizi, Senat a'zolarining 25 foizi ayollardan iborat. Bugun har bir mahallamizda ham ularning o'z vakillari bor.

Ishbilarmon ayollar safi ikki barobar kengayib, o'z biznesini yo'lga qo'ygan ayollar soni 205 mingdan oshdi. Yuz minglab ayollar kasb-hunar va tadbirkorlikka o'qitildi. Salkam yarim million nafar singillarimiz ish bilan ta'minlandi. Hozirgi kunda oliygohlarda ta'lim olayotgan talabalarimiz yarmidan ziyodini qizlar tashkil etmoqda.

Bu borada olib borayotgan tizimli chora-tadbirlarimiz xalqaro hamjamiyat tomonidan ham munosib e'tirof etilmoqda. Xususan, Jahon banki indeksida O'zbekiston gender tenglik sohasida dunyodagi eng tez rivojlanayotgan 5 ta mamlakat qatorida qayd etilgan, ochiq gender ma'lumotlar indeksida eng yaxshi 20 ta davlat qatorida joy olgani bizga alohida mamnuniyat bag'ishlaydi.

Qadrli do'stlar!

Biz Yangi O'zbekistonda xotin-qizlarning iqtisodiy imkoniyatlarini kengaytirish, rahbarlik qobiliyatini va tadbirkorlik salohiyatini to'liq ro'yobga chiqarish, ularga

zamonaviy bilim berish, kasb-hunarga o'rgatish va bandleligini ta'minlash, ehtiyojmand va ko'makka muhtoj ayollarning muammolarini tizimli hal qilish bo'yicha boshlagan katta ishtarimizni bundan keyin ham izchil davom ettiramiz.

Zero, bugungi tarixiy o'zgarishlarning faol ishtirokchisi bo'layotgan muhtaram ayollarimiz — ortga qaytmas ulug' demokratik islohotlarimiz va jadal taraqqiyotimizni amalga oshirishda bunyodkor kuch, biz qurayotgan adolatli va tinchliksevar, ko'p millatli va farovon mamlakatning mustahkam asosidir.

O'ylaymanki, sizlar ushbu Forumni har ikki yilda o'tkaziladigan an'anaviy muloqot maydoniga aylantirish bo'yicha taklifimizni har tomonlama qo'llab-quvvatlaysiz. Bugungi anjuman natijasida qabul qilinadigan Samarqand deklaratsiyasi asosida kelgusida Birlashgan Millatlar Tashkiloti Bosh Assambleyasining "Osiyo xotin-qizlarining ijtimoiy-iqtisodiy, siyosiy-huquqiy va madaniy-gumanitar faolligini oshirish to'g'risida"gi rezolyutsiyasining qabul qilinishi barchamizning bu boradagi ezgu intilishlarimizning yorqin amaliy ifodasi bo'ladi.

Fursatdan foydalanib, barchangizga yana bir bor sihat-salomatlik, baxt va omad, Forum ishiga ulkan muvaffaqiyat tilab qolaman.

Shavkat MIRZIYOYEV,
O'zbekiston Respublikasi Prezidenti

O'N BESHTA HUDUDDA IT-SHAHARCHA TASHKIL ETILADI

Prezident Shavkat Mirziyoyevga mamlakatimizda raqamli texnologiyalarni rivojlantirish, bu sohada yoshlarni va loyihalarni qo'llab-quvvatlash chora-tadbirlari bo'yicha axborot berildi.

Davlatimiz rahbari bu haqda o'tgan yili 20-dekabr kuni Raqamli texnologiyalar vazirligiga tashrif chog'ida topshiriq bergan edi.

So'nggi yillarda bu soha juda tez rivojlanib, mutaxassislar va xizmatlar ko'payib bormoqda. Xususan, 2017-yilda yurtimizda IT kompaniyalar soni 147 ta bo'lgan bo'lsa, bugungi kunda 2 mingga yaqinlashdi. Ularda 30 ming xodim yuqori daromadli ish bilan band. 70 mingdan ziyod yoshlar IT bilan mustaqil shug'ullanayapti.

Joriy yilning o'tgan to'rt oyida sohada xizmatlar hajmi 20 foizga o'sdi, 200 million dollarlik eksport qilindi, 5 mingta ish o'rni yaratildi.

Lekin hududlar kesimida qaraganda, IT xizmatlari va eksportning asosiy ulushi Toshkent shahriga to'g'ri keladi. Mutaxassislarning 80 foizi shu yerda yashaydi.

Shu bois, bu sohani chekka hududlarda ham rivojlantirish maqsadida, IT-shaharchalar tashkil etish rejalashtirilgan. Loyihaga ko'ra, bunday maskanlar dastlab 15 ta hududda — Chimboy, G'ijduvon, Zomin, Sharof Rashidov, Forish, Xatirchi, Pop, Shahrisabz, Qo'shrabot, Sariosiyo, Sirdaryo, Parkent, Toshloq va Tuproqqal'a tumanlari hamda Xonobod shahrida tashkil qilinadi. Ularda yiliga 10 mingga yaqin yoshlar IT, chet tili va boshqa zamonaviy kasblar bo'yicha bepul o'qitiladi.

Prezidentimiz shaharchalar yoshlar uchun qulay joyda bo'lishi, ularda yuqori malakali mutaxassislar dars berishi zarurligini ta'kidladi. — Shiddat bilan o'zgarayotgan davrda hamma sohaga axborot texnologiyalarini biladigan kadrlar kerak. Bu sohada xizmatlar uchun ham, eksport uchun ham eng asosiy resurs bu — malakali mutaxassislar. IT-shaharchalar bu yo'lda yoshlarga qanot bo'ladi, zamonaviy kasblarga o'rgatadigan tizim bo'lishi kerak, — dedi Shavkat Mirziyoyev.

Rivojlangan davlatlarda IT sanoatini rivojlantirishda startaplarni qo'llab-quvvatlashdan keng foydalaniladi. Yurtimizda ham bunday loyihalar bo'yicha tanlovlar o'tkazib kelinmoqda. Lekin bu borada shaffoflikni oshirish, loyihalarga natijadorlik asosida grant ajratish zarurati mavjud.

Shuning uchun IT ta'lim va dasturiy mahsulot yo'nalishidagi loyihalar bo'yicha 1 milliard so'ngacha bo'lgan startaplarni tanlovlarni IT-park orqali o'tkazish taklif etilmoqda.

Davlatimiz rahbari bu tanlovda ham, xuddi "President Tech Award" tanlovidagi kabi nufuzli xalqaro kompaniyalar tomonidan baholashni yo'lga qo'yish zarurligini ta'kidladi.

Sun'iy intellekt dasturlarini yaratish va qo'llash bo'yicha ham muvaffaqiyatli ish olib borilmoqda. Jumladan, biometrik identifikatsiyalash uchun "My ID" tizimi rivojlantirildi. Bugungi kunda 28 ta bank va 5 ta davlat tashkiloti mazkur tizimiga ulandi. U orqali 8 million 200 mingdan ortiq foydalanuvchi ro'yxatdan o'tdi.

"Muxlisa" nomli o'zbek tilidagi ovozi yordamchi ishlab chiqilmoqda. Ushbu ishlanmani turli zamonaviy texnika vositalariga o'rnatish mo'ljallangan.

Raqamli texnologiyalar sohasini yangi bosqichga olib chiqish maqsadida sun'iy intellekt va kosmik faoliyatga oid normativ-huquqiy hujjatlarni takomillashtirish vazifasi qo'yildi.

Shuningdek, taqdimotda Yagona kommunal xizmatlar platformasini joriy etish bo'yicha ham axborot berildi. Bu onlayn platforma orqali iste'molchilar 8 ta kommunal tashkilot xizmatlari uchun to'lovlarini amalga oshirishi mumkin bo'ladi. Unda 14 tadan ortiq idoralarni ma'lumotlarini bir nuqtada jamlash hamda avtomatlashtirilgan ravishda taqsimlash imkoniyati paydo bo'ladi.

O'ZA

Xalqaro forum

ADOLATLI VA TENG HUQUQLI
DUNYO TARAQQIYOTIGA ERISHISH
USHBU MAQSAD OSIYO MINTAQASI XOTIN-QIZLARINI
BIR DAVRAGA JAMLADI

Samarqandda "Xotin-qizlarning iqtisodiy, ijtimoiy va siyosiy huquq hamda imkoniyatlarini kengaytirish masalalariga mintaqaviy yondashuv" mavzusida Osiyo xotin-qizlari forumi bo'lib o'tmoqda.

Oliy Majlis Senati, Xotin-qizlarning respublika komissiyasi, Oila va jamiyatdagi rolini oshirish, gender xotin-qizlar qo'mitasi, Tashqi ishlar tenglik va oila masalalari bo'yicha vazirligi, "BMT-ayollar" tuzilmasi

hamkorligida tashkil etilgan xalqaro tadbirida 30 dan ortiq davlatdan 80 dan ziyod nufuzli mehmon — Sharqiy Osiyo, Janubi-sharqiy Osiyo, Janubiy Osiyo va Markaziy Osiyo mamlakatlari parlamentlarining ayol a'zolari, hukumatlari rahbarlari, 40 dan ortiq davlatning mamlakatimizdagi

vakolatxonalarini hamda xorijiy tashkilotlar vakillari ishtirok etmoqda.

Forumni Oliy Majlis Senati raisi Tanzila Norboyeva ochib, Prezidentimizning tadbir ishtirokchilariga yo'llagan tabrigini o'qib eshittirdi.

Davomi 3-beta

Xalqaro forum

ADOLATLI VA TENG HUQUQLI DUNYO TARAQQIYOTIGA ERISHISH

Ushbu maqsad Osiyo mintaqasi xotin-qizlarini bir davraga jamladi

Boshlanishi 1-betda

Ushbu forumni tashkil etish g'oyasi BMT Bosh Assambleyasining o'tgan yili Nyu-Yorkda bo'lib o'tgan 78-sessiyasida Prezidentimiz tomonidan ilgari surilgan edi. Tashabbus xalqaro hamjamiyat va mintaqada davlatlari tomonidan bir ovozdan qo'llab-quvvatlagani bejiz emas. Zero, globallashuv jarayonlari jadal davom etayotgan bugungi davrda xotin-qizlarning davlat boshqaruvi, ijtimoiy-siyosiy, iqtisodiy, ilmiy-akademik va madaniy-gumanitar sohalardagi faol ishtirokini ta'minlash har qachongidan-da muhim ahamiyat kasb etmoqda. Ayniqsa, jahon miqosida siyosiy-iqtisodiy beqarorlik davom etayotgan, turli nizolar, yangi xatarlar xavfi yuqori bo'layotgan murakkab bir sharoitda mazkur masala dolzarbligi yanada oshmoqda.

Mazkur to'siqlarni yengib, adolatli va teng huquqli dunyo taraqqiyotiga erishishda xotin-qizlar sa'y-harakatini birlashtirish, boy salohiyatidan oqilona foydalanish, jamiyat hayotining barcha jabhalarida imkoniyatlarini ro'yobga chiqarish muhim vazifadir. Taraqqiyotning yuksak cho'qqilarini ko'zlab oldan borayotgan har bir mamlakat bu masalani siyosatining ustuvor yo'nalishi etib belgilab, tegishli chora-tadbirlarni amalga oshirmoqda.

Ana shunday muhim pallada Osiyo mamlakatlari xotin-qizlarining bir davraga yig'ilib, global miqosdagi dolzarb masalalar yuzasidan o'tkazayotgan muloqoti nafaqat mintaqada, balki dunyoda tinchlik va

taraqqiyotni ta'minlashda muhim omil bo'lib xizmat qilishi shubhasiz. Zero, bugungi kunda Osiyo mintaqasining jahon taraqqiyotida tutgan o'rni tobora ortib bormoqda. Jumladan, dunyo iqtisodiyotida eng katta ulushga ega davlatlar aynan Osiyo mintaqasida joylashgan. Ta'lim, sog'liqni saqlash, axborot texnologiyalari, iqtisodiyot va boshqa ko'plab sohalarda jadal rivojlanmoqda. Albatta, taraqqiyotning bunday yuksak darajasiga erishishda ayollarning roli, katta hissasini inkor etib bo'lmaydi.

Yangi Rennessans paydovorini barpo etish ustuvor maqsad etib belgilangan yurtimizda xalqimiz, jumladan, xotin-qizlar uchun erkin, o'zlarini o'zlariga birlashtirish va farovon hayot barpo etish davlat siyosatining ustuvor yo'nalishiga aylandi va bu borada keng qamrovli ishlar amalga oshirilmoqda. Avvalo, milliy qonunchilik takomillashirilib, xotin-qizlar uchun yanada keng imkoniyatlar yaratilmoqda. Ularning siyosiy-ijtimoiy faolligini oshirish, jamiyatdagi islohotlarga munosib ulush qo'shishi, tadbirkorlik bilan shug'ullanishi uchun yaratilayotgan imkoniyatlar bunga misol bo'la oladi. Natijada ijtimoiy-siyosiy, iqtisodiy hamda ma'naviy hayotimizda, muhim qarorlar qabul qilinishida xotin-qizlarning ishtiroki sezilarli ravishda kengayib bormoqda. Qisqa davrda sohaga doir xalqaro standartlarga mos milliy qonunchilik bazasi shakllantirildi. Jumladan, keyingi 5 yilda 80 dan ortiq normativ-huquqiy hujjat qabul qilindi.

"Xotin-qizlar va erkaklar uchun teng huquq hamda imkoniyatlar kafolatlari to'g'risida"gi hamda "Xotin-qizlarni tazyiq va zo'ravonlikdan himoya qilish



to'g'risida"gi qonunlar qabul qilindi va amaliyotga joriy etildi. Gender tenglik siyosatini to'g'ri yo'lga qo'yish va to'laqonli amalga oshirish maqsadida 2030-yilga qadar mo'ljallangan gender strategiyasi qabul qilindi. Uni barcha soha va tarmoqlarga joriy qilish ishlari jadallik bilan davom etmoqda.

Qonunchilikka normativ-huquqiy hujjatlarni gender ekspertizadan o'tkazish, genderga asoslangan milliy budjetni qabul qilish, gender audit kabi tushunchalar kiritilib, amaliyotga joriy etilmoqda.

Xotin-qizlar ta'lim, ilm-fan bilan shug'ullanishi uchun barcha sharoitlar tufayli ayollar shu paytgacha an'anaviy bo'lgan ta'lim, tibbiyot, tikuvchilik yo'nalishlaridan tashqari raqamli iqtisodiyot, axborot texnologiyalari kabi ilg'or sohalarga ham faol kirib kelmoqda.

Xalqaro forum mamlakatimizda erishilayotgan ana shunday muhim yutuq va tajribalarni ommalashtirish, mintaqada xotin-qizlarning imkoniyat va salohiyatini ro'yobga chiqarish, iqtisodiyotdagi ishtirokini yanada kengaytirish, davlat va jamiyat boshqaruvidagi rolini oshirish bo'yicha tajriba almashish uchun o'ziga xos muloqot maydoni bo'lmog'unda.

Forumning birinchi ish kunida BMTning xotin-qizlarga nisbatan kamitishning barcha shakllariga barham berish to'g'risidagi konvensiyasi, Pekin deklaratsiyasi va Harakat platformasi qoidalarni amalga oshirish bilan bog'liq xalqaro, mintaqaviy va milliy tajriba hamda innovatsion yondashuvlar keng muhokama qilindi. Xotin-qizlarning ta'lim olishi, sog'liqni saqlash xizmatlaridan, raqamli texnologiyalar va innovatsiyalardan foydalanishi, munosib ish bilan ta'minlanishi uchun imkoniyatlarini yanada kengaytirish xususida fikr almashildi.

Forum doirasida Oliy Majlis Senat raisi T.Norboyeva qator davlatlar parlamentlari hamda nufuzli xalqaro tashkilotlar rahbarlari bilan uchrashuv o'tkazdi. Shuningdek, oila va xotin-qizlarni qo'llab-quvvatlash borasida Malayziya, Filipin, Hindiston, Pokiston, Kuvayt hamda Turkiya bilan anglashuv memorandumlari imzolandi.

Forum o'z ishini davom ettirmoqda. Tadbir yekunida o'tkazilgan muzokara va muhokamalar natijasi sifatida Samarqand deklaratsiyasi qabul qilinishi ko'zda tutilgan.

Bahor XIDIROVA,
"Yangi O'zbekiston" muxbiri

So'z — ishtirokchilarga

Konstruktiv muloqot va manfaatli hamkorlik ruhi

Mukarram NURMATOVA,
Oila va xotin-qizlar qo'mitasi raisi o'rinbosari:



— Bugun xotin-qizlar faoliyati haqida so'z bor-ganda, gender tenglikni moliylashtirish degan atama tez-tez tilga olinadigan bo'ldi. Bu ayollar tadbirkorligini rivojlantirish, ishlabarmon ayollar huquq va manfaatlarini himoyalash, iqtisodiyot va jamiyat rivojiga faolligini yanada oshirishga xizmat qiladigan muhim omildir. Mamlakatimizda bu yo'nalishda bajarilgan ishlar natijasida tadbirkorlik faoliyatini bilan band xotin-qizlar ulushi 21 foizdan 37 foizga oshib, 205 ming nafarga yetdi.

Albatta, tadbirkor bo'lish osongina ishlabarmonga aylanish, degani emas. Buning uchun huzur-halovatdan kechish, biznes bilan bog'liq qiyinchilik, to'siqlarni yengib o'tish kerak bo'ladi. Avvalo, o'z ustida tinimsiz ishlashi, texnologiyalardan xabardor

bo'lishi, eng asosiysi, ularni oila a'zolari qo'llab-quvvatlashi lozim. Bu borada opa-singillarimizga ko'mak berishda "mahalla yettligi" ayni muddao bo'lmoqda. Dunyoda o'xshashi bo'lmagan bunday tizimni joriy etishdan maqsad ham aslida inson huquq va manfaatlarini qiyi bo'g'indan boshlab samarali himoya qilishdir.

Forumda shu yo'nalishda yurtimizda qilinayotgan ishlar haqida tadbir qatnashchilariga ma'lumot berdik, mintaqamizning boshqa davlatlari tajribasi xususida o'zaro fikrlashdik.

Ishonchim komilki, konstruktiv muloqot va qizg'in muhokamalar ruhida o'tgan forum gender siyosatining turli sohalari bo'yicha o'zaro manfaatli hamkorlikni kengaytirish, xotin-qizlarning iqtisodiy imkoniyatini oshirish, mintaqaviy xavfsizlikni ta'minlash, zamonaviy tahdidlarga qarshi kurashishda hamkorlik va hamjihatlikni mustahkamlashda yangi istiqbollarni ochadi.

Birlashsak, barcha muammolarga yechim topamiz

Sima Sami BAXUS,
BMT Bosh kotibi o'rinbosari,
"BMT-ayollar" tuzilmasi ijrochi direktori:



— Avvalo, mamlakatimizda xotin-qizlarning huquq va imkoniyatlarini targ'ib qilishga sodiqligi, ushbu forumni o'tkazish tashabbusi uchun O'zbekiston Prezidentiga minnatdorlik bildiraman.

Bu xalqaro forum ayni vaqtda tashkil etilgan bilan ahamiyatlidir. Tadbirni o'tkazish uchun Samarqand shahri tanlangani bejiz emas. Tarix va zamonaviylik uyg'unlashgan bu go'zal va mafkuram zamin, xuddi tarixda bo'lgandek, bugungi kunda ham barchani birdamlik va do'stlikka undaydi.

Xotin-qizlarning huquq va manfaatlarini himoyalashda dunyoda qator ijobiy an'analar shakllanganini qayd etish joiz. Ko'plab sohalarda, jumladan, iqtisodiyot sohasida ham gender tenglik borasida muvaffaqiyatga erishildi. Misol uchun, O'zbekistonda teng qiyimatdagi mehnatga munosib haq to'lash

joriy etildi, xotin-qizlarni sanoat korxonalarida va xavfli, deb topilgan ishlarga jalb qilish bo'yicha cheklolvar olib tashlandi. Biz bu qarorlarni qo'llab-quvvatlaymiz.

Shu bilan birga, dunyoda yuz berayotgan ko'plab inqirozlar, ayniqsa, aholining nisbatan zaif qatlami bo'lgan ayollar va qizlarga ko'proq ta'sir etayotganlari achinarlidir. Har uchinchi ayol hali ham zo'ravonlik va ta'qiblarga duchor bo'lmoqda. Har o'ninchi ayol o'ta nochor ahvolda yashamoqda.

Ana shunday global muammolarga qarshi kurashish uchun barchamiz bir jamoa bo'lib harakat qilishimiz lozim. Ushbu forum bu borada yagona qarashlarni shakllantirish, oqilona yechimlarni ishlash chiqish, birgalikda harakat qilish va umumiy hisobdorlikni ta'minlashimizda ajoyib muloqot maydoni bo'ldi. Shu bois, bizni tarixiy Samarqandda qabul qilgani uchun O'zbekiston hukumati yana bir bor tashakkur izhor etaman.

“Dunyoda yuz berayotgan ko'plab inqirozlar, ayniqsa, aholining nisbatan zaif qatlami bo'lgan ayollar va qizlarga ko'proq ta'sir etayotganlari achinarlidir. Har uchinchi ayol hali ham zo'ravonlik va ta'qiblarga duchor bo'lmoqda. Har o'ninchi ayol o'ta nochor ahvolda yashamoqda.”

Global sa'y-harakatlarni umumlashtirish maqsadi



Tatyana VALOVAYA,
BMTning Jenevadagi bo'linmasi rahbari:



— Gender tenglik nafaqat insonning asosiy huquqi, balki barcha yo'nalishlarda barqaror rivojlanishning muhim omilidir. Ko'plab tadqiqotlar ko'rsatadiki, hayotimizning barcha jabhalarida ayollar va erkaklar teng ishtirok etgandagina jamiyatda muvozanatga erishish mumkin. Shuning uchun diplomatiyada gender tenglik faqat adolat masalasi emas, balki keng qamrovli va o'zaro mutanosib kelishuvlarga ham zamin yaratadi.

Ushbu forum barcha manfaatdor tomonlar uchun turli sohalarda gender tengsizlikni bartaraf etish bo'yicha muammolarni muhokama qilish, global sa'y-harakatlarni birlashtirishga imkoniyat yaratgani ayni muddao bo'ldi. Shu bois, O'zbekiston hukumati va "BMT-ayollar" tuzilmasiga ushbu muhim forumni tashkil etgani uchun minnatdorlik bildiraman.

Ishonchim komilki, forum butun dunyoda ayollar huquqini himoyalash, qarorlar qabul qilishda faolligini oshirish, sayyoramizda tinchlik va taraqqiyotga erishishda o'z o'miga ega bo'ladiki.

O'ZBEKISTONDA XOTIN-QIZLARNI HAR TOMONLAMA QO'LLAB-QUVVATLASH BORASIDA IJOBIY NATIJALAR QAYD ETILMOQDA

Samarqand shahrida "Xotin-qizlarning iqtisodiy, ijtimoiy va siyosiy huquq hamda imkoniyatlarini kengaytirish masalalariga mintaqaviy yondashuv" mavzusida o'tkazilayotgan Osiyo xotin-qizlari forumi ishtirokchilari ushbu xalqaro tadbirning ahamiyati haqida o'z fikrlarini bildirdi.

Belen Sans LUKE,
"BMT-ayollar" tuzilmasining Yevropa va Markaziy Osiyo mamlakatlari bo'yicha mintaqaviy direktori:

— Forumda yuqori darajali spikerlarning nutqlarini katta ishtiroq bilan tingladim. Jumladan, O'zbekiston Oliy Majlis Senati raisi Tanzila Norboyeva hamda "BMT-ayollar" tuzilmasi ijrochi direktori Sima Sami Baxusning ma'ruzalarida qayd etilgan dolzarb masalalar barchamizga turli darajada mas'uliyat yuklaydi. Parlamentari xotin-qizlar huquqlarini ta'minlash va ularning barcha sohalarda o'z o'rini topishida muhim rol o'ynashi kerak. Biz xotin-qizlar huquqlarini himoya qilishga, ularning tashabbuslariga investitsiya kiritishimiz zarur. Shuningdek, barcha darajadagi xotin-qizlar yetakchiligi va fuqarolik jamiyati institutlari bu jarayonning muhim qismi ta'minlanish ta'minlanishimiz lozim. Kelgusida ham bu boradagi ishlarni davom ettiramiz.



Sharlotta ADRIAN,
Yevropa Ittifoqining O'zbekistondagi elchisi:

— Xotin-qizlarga nisbatan zo'ravonlikka barham berilayotgani, gender tenglik borasidagi ijobiy natijalar qayd etilayotgani, albatta, katta yutuq.

O'zbekistonning yangi tahrirdagi Konstitutsiyasida ham gender tengligiga alohida urg'u berilgan. Shuningdek, universitetlarda ayollar ko'pligiga, xotin-qizlarning moliyaviy imkoniyatlarini kengaytirishga g'urur bo'lyapmiz. Bu oldinga qo'yilgan muhim qadam degani. O'zbekiston Prezidenti Shavkat Mirziyoyevning bunga chinidan ham xayrixoh ekani, albatta, e'tirofga munosib. Bularning barchasi jamiyatni g'oyalar va innovatsiyalar jihatidan yanada boyitishga xizmat qiladi.

Amira FAHMIIY,
Misrning O'zbekistondagi elchisi:

— O'zbekistondagi faoliyatim davomida turli sohalarda ijobiy islohotlarga g'urur bo'lyapman. Osiyo xotin-qizlari forumining O'zbekiston tomonidan o'tkazilayotganidan juda xursandman. Bu hukumatning xotin-qizlar masalalarini, ularning huquq va imkoniyatlarini ustuvor yo'nalishlar qatoriga qo'yayotganidan dalolat beradi. BMT, Islom hamkorlik tashkiloti va boshqa qator nufuzli tashkilotlar vakillarini to'plab mana shunday dolzarb yo'nalishda muhokamalar o'tkazilayotganidan O'zbekistondagi ayol elchi sifatida faxrlandim.

O'zbekistondagi har bir ayolga omad tilayman. Ular eng yaxshisiga munosib, O'zbekiston xotin-qizlarida juda katta salohiyat mavjud. Shuningdek, xotin-qizlarni har tomonlama qo'llab-quvvatlab turgan Prezidentimiz bor. Butun dunyo bo'ylab eng yaxshi qadam, eng yaxshi tajriba bilan mamlakatimizda tanishayotganimiz uchun sizlarni tabriklayman.



Islohotlar samarasi hududlarda ham ayollar hayotini o'zgartirmoqda

Gavhar ALIMOVA,
Kattaqo'rg'on shahri hokimi,
Oliy Majlis Senati a'zosi:



— Davlatimiz rahbarining "Inson qadriini ulug'lash avvalo aziz-u mukarram ayollarimizni ulug'lashdan boshlanadi", degan so'zlariga asoslangan islohotlar mamlakatimizda yuritilayotgan insonparvar siyosatning o'ziga xos ifodasi o'laroq, butun xalqimiz, ayniqsa, xotin-qizlar hayotida tub o'zgarish yasa-moqda. Buning natijasida xotin-qizlarning siyosiy va ijtimoiy faolligi oshib boryapti. Barchamizni xursand qiladigan yana bir jihat shuki, bugun xalqimiz orasida qiz bolani o'qitish shart emas, u uyda o'tirishi kerak, degan nomaqbul qarash butunlay barham topmoqda. Yurtimizda ana shunday nufuzli forumlar o'tishi ham yutuqlarimizning munosib e'tirofi, desak mubolag'a bo'lmaydi.

Ayni paytda "O'zbekiston — 2030" strategiyasi doirasida xotin-qizlar faolligini oshirish, onalik va bolalikni himoya qilish, gender tenglikni ta'minlash borasidagi amaliy ishlar yanada kengaymoqda. Bu jihatlarda hududlar hayotida ham yaqqol aks etayotir.

Misol uchun, Kattaqo'rg'on shahrida bugungi kunda boshqaruv sohasida 370 nafar, sog'liqni saqlash va boshqa sohalarda ming, ta'lim tizimida bir yarim mingdan ziyod opa-singillarimiz samarali mehnat qilayapti. Ularni har tomonlama qo'llab-quvvatlash barobarida ayollarning oila va jamiyatda yetakchilik qobiliyatini yanada oshirish, tashabbuslarini rag'batlantirish, iste'dodini ro'yobga chiqarishga alohida e'tibor qaratyapmiz.

"Ayollar haftasi" orqali o'n mingga yaqin ayolga ko'mak berildi. Tadbirkorlik yoki oilaviy biznesini yo'lga qo'yish istagida bo'lgan ikki mingdan ziyod xotin-qizga imtiyozli kredit ajratildi. Mingdan ortiq opa-singillarimiz kasb-hunariga o'qitildi. Uy-joyga muhtoj ayollarimizning sharoiti yaxshilandi.

Hali oldimizda turgan muammolar ham talaygina. Bu masalalarni hal etishimizda xorijiy mamlakatlarning ilg'or tajribasini o'rganish va ularni jamiyatimiz rivoji yo'lida samarali foydalanish muhim vazifamizdir.

Mamlakatimizda ilk bor bo'lib o'tayotgan Osiyo xotin-qizlar forumi bu borada biz uchun katta imkoniyat bo'ldi. Ushbu tadbirida ishtirok etish orqali ko'plab yangi bilim va tajribaga ega bo'ldik.

